

**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNO TUŽITELJSTVO
KANTONA SARAJEVO
T09 0 KTRZ 0016509 95
Sarajevo, 04.09.2015. godine**

P R I T V O R

**KANTONALNOM SUDU SARAJEVO
Sudiji za prethodno saslušanje
S A R A J E V O**

Na osnovu člana 45. stav 2. tačka i) i člana 241. ZKP-a F BiH, podižem:

O P T U Ź N I C U

Protiv:

DABETIĆ DUŠKO, rođen 1950. godine, u Sarajevu, po nacionalnosti Srbin, državljanin BiH i Švedske, ranije nastanjen u Sarajevu u ul., sa prebivalištem u Stockholmu, Švedska, završena SSS, u penziji, oženjen, srednjeg imovnog stanja, JMB:, koji osumnjičeni se počev od dana 17.04.2015. godine, nalazi u KPZ Sarajevo u pritvoru, neosuđivan.

Što je:

Za vrijeme ratnog stanja, u Bosni i Hercegovini i u vrijeme oružanog sukoba između Armije R BiH i Vojske Republike Srpske, u naselju Grbavica, općina Novo Sarajevo, koja se nalazila pod kontrolom Srpske vojske, postupao protivno pravilima Međunarodnog humanitarnog prava, tako što je:

U toku septembra 1992. godine, u ul., a sada, Sarajevo, postupao protivno članu 3. stav 1. tačka a) i c) i članu 27. IV Ženevske konvencije o zaštiti civilnih osoba u vrijeme rata, od 12.08.1949. godine, te protivno članu 4. stav 2. tačka a) i e) II Dopunskog protokola uz Ženevske konvencije o zaštiti žrtava nemeđunarodnih oružanih sukoba od 12.08.1949.godine, vršeći povredu ličnog dostojanstva naročito uvredljivim i ponižavajućim postupcima, te napadom na čast ženske osobe, tako što je obučen u civilno odijelo i sa pištoljem oko pasa, zajedno sa Mišković Predragom pripadnikom Srpske vojske koji je bio odjeven u vojničku uniformu, naoružan sa puškom, koristeći svoj dominantan položaj vršeći nadzor rada muškaraca civila ne srpske nacionalnosti kao pripadnika radnog voda na tom lokalitetu, a u toku 1993. godine kao pripadnik vojske Republike Srpske, kao i težak položaj u kojem se u to vrijeme nalazilo ne srpsko stanovništvo na tom području, u ranim večernjim satima kroz prozor ušao u stan svjedokinje koja koristi pseudonim „.....“, za koju je znao da je muslimanske nacionalnosti i da živi sama, a koji stan se nalazio u prizemlju i u kojem su na prozorima bile folije umjesto stakla, nakon čega su joj Mišković koji je stajao pokraj ulaznih vrata te i Dabetić koji je stajao pored prozora, naredili da se skine, te im je oštećena

želeći da pobjegne od njih rekla da mora otići do komšija u zgradi po svijeću, jer nije bilo struje, nakon čega je izašla iz stana, i bježeći kroz haustor zgrade dozivala „upomoć“, ali kako joj nitko od stanara nije smio otvoriti vrata i pružiti zaštitu, bila je prinuđena da se vrati u svoj stan, gdje je vidjela da je netko od njih dvojice zapalio košulju koja je gorila, da bi ona potom ponovo pobjegla iz svog stana na posljednji kat/sprat, gdje su je, trčeći za njom psujući joj balijsku majku i prijeteći joj „sad ćeš ti da vidiš zaklat ćemo te“, sustigli, oborili je na beton, a potom su je obojica udarali nogama i rukama po čitavom tijelu, kada je u jednom trenutku svjeodkinja pod pseudonimom „.....“ osjetila jak udarac s oružjem u desni dio glave iznad oka, od kojeg je i kasnije za posljedicu imala stalne vrtoglavice i jake glavobolje, te osjetivši da joj teče krv niz lice počela gubiti svijest, nakone čega su je njih dvojica odveli do njenog stana, gdje su je umili hladnom vodom po licu, da bi došla svijesti, a zatim joj je Dabetić naredio „skidaj se majku ti balijsku, trebali ponovo da te tučem“, a Mišković joj je naredio da obuče najbolje što ima i da tako prošetala ispred njih, a zatim da se skine, rekavši Dabetiću „prvo je ti, a onda ću ja“, nakon čega ju je Dabetić gurnuo na trosjed i silovao u prisustvu Miškovića, a potom ju je na istom trosjedu silovao Mišković u prisustvu Dabetića, da bi ujutro kada se svanulo njih dvojica otišli iz stana oštećene, nakon čega ju je Dabetić Duško u toku 1992. godine i 1993. godine, više puta silovao i to tako što je dolazio po nju u njenu i odvodio je u stan koji je koristio i koji se nalazio u naselju Grbavica, gdje se je nad istom iživljavao, nakon što bi je prisilio na seksualni odnos, koji bi nad njom izvršio, analno a zatim i vaginalno, a kojom prilikom mu oštećena, bojeći se za sopstveni život, te da će je isti ponovo fizički zlostavljati, nije smjela pružati otpor.

Dakle, kršeći pravila međunarodnog prava, za vrijeme rata i oružanog sukoba, vršio povredu ličnog dostojanstva, naročito uvredljivim i ponižavajućim postupcima, i to tako što je prisilio drugu osobu upotrebom sile na seksualni odnos i izvršio silovanje, te vršio nasilje nad zdravljem i fizičkom dobrobiti ljudi,

Čime je počinio kazneno djelo Ratni zločin protiv civilnog stanovništva iz člana 142. stav 1. preuzetog KZ SFRJ.

Tužiteljstvo predlaže Sudu produženje pritvora u smislu odredbi člana 146. stav 1. tačka a) ZKP-a F BiH i člana 151. istog Zakona, a nakon potvrđivanja optužnice, obzirom da na temelju rješenja Kantonalnog suda u Sarajevu od 13.07.2015. godine isti može trajati do 13.09.2015. godine ili do nove odluke Suda.

KANTONALNI TUŽITELJ